

সারাদেশ

সাতক্ষীরায় বিদ্যুৎস্পৃষ্ট হয়ে ২ জনের মৃত্যু

প্রতিবেদক: সাতক্ষীরা প্রতিনিধি

প্রকাশের তারিখ: রোববার, ০৬ সেপ্টেম্বর ২০২৬, ০৯:১৯ PM



সাতক্ষীরায় পৃথক ঘটনায় বিদ্যুৎস্পৃষ্ট হয়ে দুই ব্যক্তির মৃত্যু হয়েছে।

রোববার (৬ সেপ্টেম্বর) সকাল ৬টায় সাতক্ষীরা শহরের কামালনগর এলাকায় এবং সকাল ৯টার দিকে শ্যামনগর উপজেলার ছোটভেটখালী গ্রামে এ ঘটনা ঘটে।

নিহতরা হলেন- সাতক্ষীরা শহরের কামালনগর এলাকার রহমত আলীর ছেলে ঝালমুড়ি বিক্রেতা মো. ইউনুস আলী (৪৮) এবং শ্যামনগরের মুন্সিগঞ্জ ইউনিয়নের হরিনগর (চুনকুড়ি) গ্রামের সাবেক ইউপি সদস্য আরশাদ আলী গাজীর বড় ছেলে মুরগি খামারি আব্দুর রাজ্জাক গাজী (৫৭)।

পুলিশ ও পারিবারিক সূত্রে জানা যায়, ইউনুস সাতক্ষীরা সরকারি গার্লস স্কুলের সামনে ঝালমুড়ি বিক্রি করে জীবিকা নির্বাহ করতেন।

প্রতিদিনের মতো ভোর ৬টার দিকে ঝালমুড়ি বিক্রির প্রস্তুতি নিচ্ছিলেন ইউনুস। এ সময় ঘরের পাশে থাকা তার ঝালমুড়ি বিক্রির ভ্যানটি স্পর্শ করার সঙ্গে সঙ্গে তিনি বিদ্যুৎস্পৃষ্ট হন এবং ঘটনাস্থলেই মারা যান।

খোঁজ নিয়ে জানা যায়, ইউনুস আলীর ঘরের ওপর দিয়ে বয়ে যাওয়া বিদ্যুৎ লাইনের তার ছিঁড়ে তার ভ্যানের ওপর পড়ে। বিষয়টি কেউ জানতে পারেনি।

সকালে বাইরে যাওয়ার জন্য ভ্যানটি স্পর্শ করার সঙ্গে সঙ্গে বিদ্যুতায়িত হয়ে মারা যান তিনি। সাতক্ষীরা সদর থানার অফিসার ইনচার্জ (ওসি) মো. মাহমুদুর রহমান বিষয়টি নিশ্চিত করেন।

এদিকে, রোববার সকালে শ্যামনগর উপজেলার মুন্সিগঞ্জ ইউনিয়নের ছোটভেটখালী গ্রামের মুরগি খামারি আব্দুর রাজ্জাক নিজের খামারেই বিদ্যুৎস্পৃষ্ট হয়ে মারা যান।

এলাকাবাসী জানান, আব্দুর রাজ্জাক গাজী সকাল ৯টার দিকে নিজের মুরগির খামারে কাজ করার সময় বিদ্যুৎস্পৃষ্ট হন। তার স্ত্রী বিষয়টি বুঝতে পেরে দ্রুত মেইন সুইচ বন্ধ করে প্রতিবেশীর সহায়তায় তাকে গ্রাম্য চিকিৎসকের কাছে নিয়ে যান। ততক্ষণে আব্দুর রাজ্জাকের মৃত্যু হয়।

এ বিষয়ে শ্যামনগর থানার ভারপ্রাপ্ত কর্মকর্তা (ওসি) শাফিউল আলম পাটোয়ারী বলেন, তার লাশ পরিবারের কাছে হস্তান্তর করা হয়েছে। এ ঘটনায় থানায় একটি অপমৃত্যুর (ইউডি) মামলা দায়ের করা হবে।

এ বিভাগের আরও খবর



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...



আন্তর্গঞ্জে রুমিন ফারহানাকে অবস্থিত ঘোষণা, বিএনপির বাডু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তর্গঞ্জে ব্রাহ্মণবাড়িয়া-২ আসনের স্বতন্ত্র
সংসদ সদস্য ব্যারিস্টার...



তিতাস নদীর তীরে গ্রাম-বাংলার ঐতিহ্যবাহী নৌকা বাইচ উপভোগে অর্ধ লক্ষাধিক মানুষ
ভাস্কর তত্ত্ব রোদ উপেক্ষা করে ব্রাহ্মণবাড়িয়ার তিতাস নদীর দুই তীরে জড়ো হন অর্ধ লক্ষাধিক মানুষ। তাদের করতালি ও উচ্চস্রো
মুখর হয়ে ওঠে নদীর পাড়...



বাংলাদেশ ইনোভেশন ফেয়ারে বেরোবির চার উদ্ভাবনী গবেষণা প্রকল্প
বিজ্ঞান ও প্রযুক্তি মন্ত্রণালয়ের উদ্যোগে আয়োজিত জাতীয় পর্যায়ের 'বাংলাদেশ ইনোভেশন ফেয়ার ২০২৬'-এ অংশ নিয়েছে বেগম
রোকেয়া বিশ্ববিদ্যালয়, রংপুর (...)

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/satkshiray-bidjutsprisht-hye-2-jner-mritju>